

國語
訂正
史記
月表
正譌
校正文本



812/
1/
10146

國
語
校
文

汪
中
著

中
華
書
局

國語校文

此據靈鶴閣叢書
本排印初編各叢
書僅有此本

國語校文

清 江都汪 中著

韋昭國語解詁

爲已憭矣。憭下缺一字。

周語上

懋正其德而厚其性。注：性情性也。中按：性與生通。內傳曰：正德利用厚生。謂之三事。

昔我先世后稷。先下宋本有王字。

奕世載德不忝前人。注：奕亦前人也。

亦前。宋作奕。嶽雲按：疑韋注本作奕世亦前人也。

事神保民莫不欣喜。莫不宋作弗。

賓服者享。注：皆以所貢助祭於廟。皆以宋作必以。

民之有口也。宋無也字。

猶其有原隰衍沃也。宋作猶其原隰之有衍沃也。

震雷出滯。注：雷乃發聲。始電。宋作始震電。

民用莫不震動恪恭於農。注：用謂田器也。用猶用是也。注非。

置神之祀。注：置神之祀，不耕藉也。正文之宋作乏，據注則乏仍當作之。

宣王既喪南國之師。注：喪亡也。敗於姜戎時所亡也。南國，江漢之間也。詩曰：滔滔江漢，南國之紀。此喪南國之師事闕。據內傳曰：我諸戎四岳之冑裔。又曰：允姓之玆，居于瓜州，則姜氏之戎，卽西戎也。與江漢無涉。注非。

害於政而妨於後嗣。注：害政，賊爲政之道也。賊，宋作敗。據正文，以賊爲是。

幽王三年，西周三川皆震。三年，宋作二。

川源必塞。下脫原塞國必亡五字。

川源必塞。注：國依山川，上脫地動則泉原塞六字。

今吾聞子續歌舞不思憂，夫出王而代其位，禍孰大焉。臨禍忘憂，是謂樂禍。不思憂，宋作不息樂禍也。據下是謂樂禍，仍當以此本爲正。

其亡也，回祿信於胎遂。墨子非攻篇下：天命融隆大於夏之城間西北之隅，湯東桀衆以克，有屬諸侯于薄。

師傅氏及祝史。注：傅氏，狸姓也。在周爲傅氏。傅氏其姓狸也。在周爲傅氏五字枝贅。

先王知大事之必以衆濟也。衆濟，宋作濟衆，誤。

爲摯幣瑞節以鎮之。注：伯執躬圭，亦七寸。亦七寸，宋作六寸。

館諸宗廟。注。館。舍也。舍于宗廟。尊王命也。中按。聘禮。卿館于大夫。大夫館于士。士館于工商。然則王之卿士。其館于孤卿之廟。與。晉侯以宗廟舍之。故云尊王命。

乾隆四十三年五月。寓江甯之內橋。借代州馮按察使景鈔宋本校。毛斧季故物也。

周語中

王使游孫伯請滑。注。游孫伯。周大夫。周大夫下。宋有伯爵也。三字衍。

鄭武。莊有大勳力於平桓。注。唐尚書云。王奪鄭伯政。鄭伯不朝。王伐鄭。鄭祝聃射王。中肩。豈得爲功。桓當爲惠。傳曰。鄭有平惠之勳。昭謂鄭世有功。而桓王不賞。又奪其政。聃雖射王。非莊公意。又詩。敍云。桓王失信。諸侯背叛。明桓王之非也。下富辰又曰。平桓。莊惠皆受鄭勞。明各異人。不爲誤也。中按。若如唐說。桓作惠。則莊當作厲。厲平子頹之亂。莊不與惠相當。然韋說是也。

以臨長百姓。而輕重布之。王何異之有。注。輕重布之。貴賤各有等也。王何異之有。言帝王皆然。王何異之有。言王本無異於人。恃此服物采章以爲等威耳。注。非。

而縮取備物。以鎮撫百姓。注。縮。引也。引。宋作弘。

余一人其流辟於裔土。何辭之與有。注。言將放辟於荒裔。辟下宋空一字。於上有旅字。並誤。將蠻夷戎翟之驕逸不虔。於是乎致武。注。謂諸夏之國。乃蠻夷之國主。於是致武以伐之。乃宋作爲國主。宋作行王。蠻夷戎翟之驕逸不虔。內傳。蠻夷戎狄。不式王命。王命伐之。則有獻捷。倉葛語意亦猶此。

注非。

左右免胄而下。超燾者三百乘。左右免胄而下。宋有拜字。注在超燾者三百乘下云。左車左也。右車

右也。言免胄則不解甲而拜矣。超燾跳躍上車無威儀。所以敗也。

夫戎翟冒沒輕儇。注冒抵觸也。沒入也。中按冒沒即冒昧語之轉。

其時儼曰。注時儼時所以儼告其民也。中按時儼夏令之篇名。

膳宰致餐。餐宋作饗。

東門之位。不若叔孫。注東門大夫叔孫卿也。前注叔孫宣子東門之家云。二子魯大夫。此注云東門大

夫叔孫卿也。自相違誤。嶽靈按東門之家。今本作東門子家。

周語下

其在有虞。有審伯鯨。注有虞舜也。當云有虞舜有天下之號。謂其能爲禹股肱心膂。注氏曰有呂者。以

四岳能輔成禹功。比於股肱心膂。呂之爲言膂也。按說文呂即今膂字。象形。

近在夏后之世。宋無近字。

上下儀之。義宋作議。

器無彤鏤。儉也。注彤丹也。彤乃彫之誤。賈誼書禮容語正作雕。

今王廢輕而作重。民失其資。能無匱乎。注廢輕而作重。則本竭而末寡。故民失其資也。中按廢輕而作

重。謂廢舊錢之輕。更作新錢之重者而布之。民素所蓄積。皆歸無用。是以失其資而匱。

於是乎有狂悖之言。有眩惑之明。有轉易之名。有過惡之度。注。此四者。氣佚之所生也。狂悖眩惑。說子朝。詭賢孟也。轉易過惡。嬖子配適。將殺大臣也。中按。此汎言不和之害耳。不當舉後事以實之。禮曰。毋測未至。

今三年之中。而害金再興焉。宋無金字。

古之神瞽。注。神瞽。古樂正知天道者也。死而爲樂祖。祭於瞽宗。謂之神瞽。中按。神瞽。謂其生而知音律

之原。若伶倫是也。注。牽引瞽宗。非。

六閒應鍾。注。百嘉具備。嘉。宋作器。

魯語上

乃出而爵之。注。爵。爵爲大夫。凡有位於朝。皆爵也。不必其爲大夫。

幕能帥顓頊者也。注。幕。舜之後虞思也。中按。內傳。自幕至于瞽瞍。無違命。舜重之以明德。幕爲瞽瞍幾

世祖。不得云舜後。鄭語注。誤同。

里革曰。君之過也。至爲焉。里革之言。爲君言之可也。若臣其何以訓。晉語所載。宋人殺昭公。趙宣子之

言。可謂義形於色矣。內傳。石祁子曰。天下之惡一也。原繁曰。臣無二心。天之制也。

齊語

齊語注。蒲坂之野。蒲坂當作蒲姑。

晉語一

且君知成之從也。未知其待於曲沃也。注。君武公也。言君知成將死其君爲從臣道也。故使止臣。未知成不死而待君於曲沃之爲貳也。君哀侯也。言哀侯知欒共之子從已而拒武公。不知其事。武公於曲沃時哀侯已死故也。內傳。子家子對叔孫婁曰。羈也。君知其出也。而未知其入也。語正同。注非。吾豈知紂之善不哉。善不當乙之無疑。嶽雲按。不卽否字。言令紂早亡。今吾豈知其善否。注欲乙之。非。

晉語四

昔管敬仲有言。小妾聞之。注。敬仲夷吾字也。中按。敬仲諡也。後篇曰季曰。齊桓親舉管敬子。注。敬子管仲之諡是也。大夫之諡子。與伯仲叔季一耳。公孫敖之子文伯。魯語作孟文子。它似此者多。唯青陽與夷鼓皆爲己姓。此青陽己姓。後青陽姬姓。二子不應同名。必有一誤。

晉語八

是以遠服而邇不遷。不遷下當有闕文。

晉語九

它日董祁嬖于范獻子。注。范姓。祁名也。中按。祁姓也。婦人稱姓。帝堯祁姓。范氏所出。
鄭語

北有衡、燕、翟、鮮虞、路、洛泉、徐蒲。注：燕邵公之封，皆姬姓也。中按：此燕謂南燕也。黃帝之後，姁姓。虞幕能聽協風，以成樂物生者也。注：言能聽知和風，因時順氣，以成育萬物，使之樂生者也。中按：成樂物生，當依注作成物樂生。

楚語上

不聞其以土木之崇高，彤鏤爲美。注：彤，丹楹也。彤鏤，疑彫鏤之誤。韋氏亦從爲之辭。已見周語。吾不服諸夏而獨事晉，何也？按：文當作諸夏不服吾。

今子老楚國而欲自安也。注：老，恃楚國也。中按：老，家臣之長。大夫通得稱之。春秋傳曰：其老豈敢棄其國？禮曰：諸侯使人使於諸侯，使者自稱曰寡君之老。上大夫擯者曰寡君之老。

楚語下

是以古者先王日祭。注：日祭於祖考。天子日祭於禮不詳，竊意祭不欲數，必無日祭於祖考之禮。玉藻

曰：天子玄端而朝，日於東門之外。此其禮與？曾子問曰：天子諸侯將出，必以幣帛皮圭，告於祖禰，遂奉

以出，載于齊車以行，每舍奠焉而後就舍。此又一日祭之禮，與諸侯共之。

徽雲按：楚語之日祭，月享，時類歲祀。與周語之日祭，月祀，時享，歲貢。

吳語

皆白常白旂，素甲白羽之矰，望之如荼。常，宋作裳。

孤之事君在今日，不得事君亦在今日。注：言欲戰以決之，不勝則服事君，若勝則爲盟主。言好則盟，惡則戰耳，恐喝之辭。注：非。

越語上

是以帶甲萬人以事君也。注：言赦越罪，是得帶甲萬人事君也。本有五千人，今將致死，則勇氣自倍，故曰萬人。事君謂與君戰，措辭之道則然。注：非。

與其殺是人也，甯其得此國也，其孰利乎？注：言戰而殺是萬人，與安而得越國，二者誰爲利乎。與其甯其者，兩事相衡擇利而從之之辭。注：非。

寡人禮先壹飯矣。注：言已年長於越王，覺差壹飯之間，欲以少長求免也。禮先一飯，言昔嘗有恩於越，謂會稽之事也，言一飯者，措辭之道則然。注：非。嶽雲按：壹飯之間，一本作同。